

# Y Cyfarfod Llawn

---

Dyddiad y cyfarfod:  
**Dydd Mercher, 22 Ebrill 2015**

Amser y cyfarfod:  
**13.30**

Cynulliad  
Cenedlaethol  
Cymru

National  
Assembly for  
Wales



---

## Agenda

(259)v2

---

### **1 Cwestiynau i'r Gweinidog Iechyd a Gwasanaethau Cymdeithasol (45 munud)**

Bydd y Llywydd yn galw ar Lefarwyr y Pleidiau i ofyn cwestiynau heb rybudd i'r Gweinidog ar ôl Cwestiwn 2.

[Gweld y Cwestiynau](#)

### **2 Cwestiynau i'r Cwnsler Cyffredinol (15 munud)**

[Gweld y Cwestiynau](#)

### **3 Cwestiynau i Gomisiwn y Cynulliad (15 munud)**

[Gweld y Cwestiynau](#)

### **4 Dadl gan Aelodau Unigol o dan Reol Sefydlog 11.21(iv) (60 munud)**

**NNDM5715**

**Bethan Jenkins**  
**William Graham**  
**Lynne Neagle**  
**William Powell**

Cynnig bod Cynulliad Cenedlaethol Cymru:

Yn galw ar Lywodraeth Cymru i

a) annog moratoriwm ar gloddio glo brig ledled Cymru, er mwyn canfod a yw cyfraith cynllunio a chanllawiau cyfredol yn darparu digon o amddiffyniad i gymunedau yr effeithir arnynt gan gloddio glo brig;

b) ymateb i ymchwil i'r methiant i adfer safleoedd glo brig yn ne Cymru, gan ddatgan yn benodol sut y gallai fynd i'r afael â phryderon ynghylch pa mor ymarferol yw MTAN2 a'r glustogfa 500 medr; ac

c) cynorthwyo awdurdodau lleol yr effeithir arnynt i wneud heriau cyfreithiol, lle bo angen, wrth geisio adfer safleoedd.

### **5 Dadl y Ceidwadwyr Cymreig (60 munud)**

**NDM5742 Paul Davies (Preseli Sir Benfro)**

Cynnig bod Cynulliad Cenedlaethol Cymru:

1. Yn cydnabod y bu polisiau Llywodraeth y DU ers 2010 yn hanfodol yn y gwaith o adfer economïau'r DU a Chymru;
2. Yn cydnabod ymhellach fod economi gynyddol gryf y DU wedi tanategu twf yn y sector preifat a chreu dros 2 filiwn o swyddi; a
3. Yn cydnabod mai sector preifat ffyniannus yw'r sylfaen ar gyfer cynnal ein gwasanaethau cyhoeddus.

**Cyflwynwyd y gwelliannau a ganlyn:**

#### **Gwelliant 1 – Elin Jones (Ceredigion)**

Dileu pwynt 1 a rhoi yn ei le:

Yn cydnabod bod rhaglen galedi Llywodraeth y DU wedi methu yn erbyn ei thelerau ei hun ac yn gresynu at effeithiau economaidd a chymdeithasol y toriad diangen o 10% yng nghyllideb Cymru ers 2010.

#### **Gwelliant 2 – Elin Jones (Ceredigion)**

Dileu pwynt 2 a rhoi yn ei le:

Yn croesawu cyfleoedd gwaith newydd ond yn gresynu at y ffaith bod 17,000 o'r swyddi newydd a grëwyd yng Nghymru ers 2010 wedi bod yn rhan-amser.

### **Gwelliant 3 – Aled Roberts (Gogledd Cymru)**

Ychwanegu pwynt newydd ar ddiwedd y cynnig:

Yn croesawu'r ffaith mai economi'r DU yw'r economi sy'n tyfu'n gyflymaf o blith gwledydd y G7.

### **Gwelliant 4 – Aled Roberts (Gogledd Cymru)**

Ychwanegu pwynt newydd ar ddiwedd y cynnig:

Yn croesawu'r ffaith bod treth incwm 1.2 miliwn o bobl yng Nghymru wedi cael ei dorri o £800, diolch i'r Democratiaid Rhyddfrydol yn Llywodraeth y DU yn cynyddu'r trothwy lwfans personol.

### **Gwelliant 5 – Aled Roberts (Gogledd Cymru)**

Ychwanegu pwynt newydd ar ddiwedd y cynnig:

Yn credu bod yn rhaid inni fantoli'r cyfrifon yn deg, gyda buddsoddiad mewn sgiliau uchel, economi carbon isel, dileu'r diffyg yn y gyllideb strwythurol erbyn 2017–18, sicrhau bod y bobl gyfoethocaf yn talu cyfran deg drwy gyflwyno treth plasty, ac amddiffyn y mwyaf agored i niwed o fewn cymdeithas.

### **6 Dadl Plaid Cymru (60 munud)**

#### **NDM5741 Elin Jones (Ceredigion)**

Cynnig bod Cynulliad Cenedlaethol Cymru:

1. Yn nodi pwysigrwydd sefydliadau addysg bellach i ddarparu addysg ôl-16;
2. Yn nodi pwysigrwydd darparu cyfleoedd dysgu i oedolion ar gyfer oedolion sydd

am ddatblygu sgiliau newydd;

3. Yn gresynu at effaith y toriadau i addysg ôl-16 ar y sector addysg bellach; a

4. Yn croesawu ymrwymiad Llywodraeth Cymru i fonitro tâl uwch reolwyr mewn addysg uwch yn flynyddol ac yn annog hynny i gael ei ymestyn i addysg bellach.

**Cyflwynwyd y gwelliannau a ganlyn:**

**Gwelliant 1 – Aled Roberts (Gogledd Cymru)**

Ar ddiwedd pwynt 3, mewnosoder:

'ac yn nodi'r gostyngiad o 47% yn nifer y bobl a gofrestrodd ar gyfer cyrsiau rhan-amser rhwng 2003 a 2013.'

**Gwelliant 2 – Paul Davies (Preseli Sir Benfro)**

Cynnwys pwynt 4 newydd ac ail-rifo yn unol â hynny:

Yn nodi pwysigrwydd y Gronfa Blaenoriaethau Sector i sefydliadau addysg bellach o ran datblygu sgiliau dysgwyr.

**Gwelliant 3 – Paul Davies (Preseli Sir Benfro)**

Cynnwys pwynt 4 newydd ac ail-rifo yn unol â hynny:

Yn gresynu at y ffaith bod llai o gyfleoedd prentisiaeth ar gael i feysydd blaenoriaeth Llywodraeth Cymru, sef dysgwyr 16 i 24 oed a phrentisiaethau uwch.

**Gwelliant 4 – Paul Davies (Preseli Sir Benfro)**

Cynnwys pwynt 4 newydd ac ail-rifo yn unol â hynny:

Yn gresynu at ddiffyg brys Llywodraeth Cymru wrth roi gwybod i sefydliadau addysg bellach a fyddant yn derbyn eu dyraniad o'r Gronfa Blaenoriaethau Sector.

**Gwelliant 5 – Aled Roberts (Gogledd Cymru)**

Cynnwys pwynt 4 newydd ac ail-rifo yn unol â hynny:

Yn nodi yr amcangyfrifir bod nifer y bobl 50 oed a throsodd nad ydynt mewn cyflogaeth, addysg na hyfforddiant (NEET) dair gwaith cymaint â nifer y bobl NEET o dan 25 oed ac yn galw ar Lywodraeth Cymru i ddylunio a gweithredu rhaglen benodol i wella sgiliau a rhagolygon cyflogadwyedd pobl dros 50 nad ydynt mewn cyflogaeth, addysg na hyfforddiant .

## **Gwelliant 6 – Aled Roberts (Gogledd Cymru)**

Ychwanegu pwynt newydd ar ddiwedd y cynnig:

Yn croesawu'r cytundeb cyllideb rhwng Democratiaid Rhyddfrydol Cymru a Llywodraeth Cymru a oedd yn sicrhau cyllid ychwanegol ar gyfer 5,000 o brentisiaethau newydd a chynllun newydd sy'n darparu gofal plant ar gyfer rhieni mewn addysg bellach.

## **7 Cyfnod pleidleisio**

### **Crynodeb o Bleidleisiau**

#### **8 Dadl Fer (30 munud)**

##### **NDM3740 Russell George (Sir Drefaldwyn)**

Gofal Iechyd yng nghanolbarth Cymru

Yr heriau sydd ynghlwm â darparu gofal iechyd yng nghefn gwlad canolbarth Cymru mewn cyd-destun trawsffiniol a materion sy'n ymwneud ag Astudiaeth Gofal Iechyd Canolbarth Cymru.

#### **9 Dadl Fer – Tynnwyd yn ôl (0 munud)**

##### **NDM5726 Leanne Wood (Canol De Cymru):**

Darparu difidend datganoli ar gyfer Cymru gyfan

Manteisio i'r eithaf ar y cyfleoedd sy'n deillio o ddatganoli i wneud yn siŵr bod yr holl wlad yn elwa arnynt.

Cynhelir Cyfarfod Llawn nesaf y Cynulliad am 13.30, Dydd Mawrth, 28 Ebrill 2015